

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KТРО 0019391 20
Sarajevo, 09.03.2022. godine

SUD BOSNE I HERCEGOVINE
SARAJEVO
-Sudiji za prethodno saslušanje-

Na osnovu člana 35. stav 2. tačka i) i člana 226. i 227. st. 1. ZKP-a BiH, podižem:

ОПТУЖНИЦУ

Protiv:

KNEŽEVIĆ ŽELJKA [redacted] rođen
1976. godine u Banja Luci, [redacted] državljanin BiH [redacted]

ĐURIĆ MIROSLAVA, [redacted] rođen
1968. godine u Banja Luci, [redacted] državljanin BiH [redacted]

Što su:

Dana, 22/23.08.2020. godine na Međunarodnom graničnom prelazu „Zupci“ na ulazu u BiH, pristupili graničnoj i carinskoj kontroli autobusom marke „Setra“ registarskih oznaka [redacted], kao vozači firme [redacted] koja se bavi prevozom putnika, saobraćajući na relaciji Budva [redacted] shodno putnom nalogu broj [redacted], sa namjerom da, izbjegavajući mjere carinske kontrole, suprotno članu 4. tačka 14. i 15., te članu 34. stav 1. Zakona o carinskoj politici BiH (Sl. glasnik BiH br. 57/04), preko carinske linije, sa područja Crne Gore na teritoriju Bosne i Hercegovine prenesu 3.450 paklica cigareta bez akciznih markica i dokaza o porijeklu, i to 1.970 paklica cigareta marke „Manchester Blue“ i 1.480 paklica cigareta marke „Manchester

Black", ukupne vrijednosti 12.527,64 KM, a u koji autobus su prethodno, na području Crne Gore, sakrili pomenutu količinu cigareta, da bi prilikom izvršene kontrole navedenog autobusa na pomenutom graničnom prelazu, ovlaštena službena lica GP BiH i UINO CR/GP Zupci korištenjem specijalističke opreme „ENDOSKOP“, u ventilacionom otvoru iznad lijeve strane sjedišta ovog autobusa pronašli 650 paklica cigareta marke „Manchester Blue“, te u ventilacionom otvoru iznad desne strane sjedišta autobusa pronašli 920 paklica cigareta ove marke, a zatim daljim pregledom unutrašnjosti autobusa, u bunkeru ispod stepenica za zadnji ulaz autobusa pronašli 1.360 paklica cigareta marke „Manchester Black“, a u prostoru iza prednjeg desnog točka autobusa pronašli 400 paklica cigareta marke „Manchester Blue“ i 120 paklica cigareta marke „Manchester Black“, na koji način su spriječili unošenje ovih akciznih proizvoda na područje Bosne i Hercegovine.

Dakle, izbjegavajući mjere carinske kontrole preko carinske linije pokušali prenijeti robu veće vrijednosti,

Čime su počinili, krivično djelo Krijumčarenje iz člana 214. stav 1. KZ-a BiH, uvezi sa članom 26. KZ-a BiH, a sve u vezi sa članom 29. KZ-a BiH.